

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ



ДОМ НАРОДА
ПРЕДСТАВНИЧКИ ДОМ
Зajедничка комисија за одбрану и безбједност
Босне и Херцеговине

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM
Zajednička komisija za odbranu i sigurnost
Bosne i Hercegovine
Zajedničko vijeće za odbranu i sigurnost

Broj: 03/1-50-14-7-7/24
Sarajevo, 13. 10. 2023.

PRIMALJENJE	24-01-2024
Šifra	
Broj	
Prejeto	
Šifra	
Broj	
Prejeto	

ČLANOVIMA ZAJEDNIČKE KOMISIJE ZA ODBRANU I SIGURNOST BiH:

JASMINU IMAMOVIĆU, MARINI PENDEŠ, RADOVANU KOVAČEVIĆU, DARKU BABALJU, MILANU DUNOVIĆU, SLAVKU MATIĆU, SANJI VULIĆ, ŠERIFU ŠPAGI, KEMALU ADEMOVIĆU, SREDOJU NOVIĆU, ZDENKU ČOSIĆU, SAFETU SOFTIĆU

PREDMET: Sastanak sa zamjenikom podsekretara OUN i direktorom UN-a za borbu protiv terorizma, 12.10.2023.

Članovi Zajedničke komisije za odbranu i sigurnost BiH Jasmin Imamović, Marina Pendeš, Sredoje Nović i Safet Softić su 12.10.2023. u Sarajevu razgovarali sa zamjenikom podsekretara Organizacije Ujedinjenih naroda (UN) i direktorom Ureda UN-a za borbu protiv terorizma Rafijem Gregorijanom.

Tokom susreta članovi Zajedničke komisije izrazili su zahvalnost Gregorijanu za jako dobro urađen posao u procesu reforme odbrane u periodu 2004-2005. godina. Gregorijan je naglasio da Bosna i Hercegovina radi kvalitetan posao na planu borbe protiv terorizma, kako kroz kvalitetna zakonska rješenja, tako i dobrom saradnjom policijskih agencija, te je ocijenio da je stanje sigurnosti u BiH po ovome pitanju na visokom nivou. Također je upoznao članove Zajedničke komisije s pitanjima i dostupnim programima UN-a u oblasti borbe protiv terorizma.


Razgovarano je o trenutnim aktivnostima Zajedničke komisije i stanju sigurnosti u Bosni Hercegovini. U razgovoru je ocijenjeno da policijske agencije u sastavu Ministarstva sigurnosti BiH profesionalno i odgovorno rade svoj posao, da je primjetna sve bolja koordinacija u njihovom radu te da je veoma bitno da je Bosna i Hercegovina 22. juna ove godine uspostavila potpunu saradnju s Agencijom Evropske unije za saradnju na provođenju zakona (EUROPOL) otvaranjem novog prostora Nacionalne/Zajedničke kontaktne tačke za BiH.

Kada je u pitanju borba protiv terorizma, naglašeno je da imamo Strategiju Bosne i Hercegovine za prevenciju i borbu protiv terorizma za period 2021 – 2026. godina, čiji sadržaj predstavlja izraz posvećenosti institucija na svim nivoima vlasti u Bosni i Hercegovini u prevenciji i borbi protiv terorizma te nasilnog ekstremizma i radikalizacije koji vode ka terorizmu, uz poštivanje međunarodnih obaveza države kao članice UN-a, Vijeća Evrope, Organizacije za sigurnost i saradnju u Evropi (OSCE), Antiterorističke koalicije, te potencijalne kandidatkinje za članstvo u Evropskoj uniji.

Članovi Zajedničke komisije informirali su Gregorijana da Bosna i Hercegovina teži ka usklađivanju zakonodavstva s relevantnim univerzalnim instrumentima UN-a za borbu protiv terorizma, pravnom tečevinom Evropske unije, instrumentima Vijeća Evrope, obavezama koje

proističu iz članstva u OSCE-u, te s ključnim dokumentima ovih organizacija iz oblasti borbe protiv terorizma, prevencije i suzbijanja nasilnog ekstremizma i radikalizacije koji vode ka terorizmu.

Sastanku članova Zajedničke komisije s visokim zvaničnikom UN-a prisustvovala je i sekretarka Doma naroda Parlamentarne skupštine BiH Gordana Živković.



Dostavljeno:

- naslovu
- a/a